

Degil: Datuk Musa kutuk Israel



Datuk Musa

Kuala Lumpur, Sabtu

KUALA LUMPUR, Sabtu — Malaysia sekali lagi mengutuk Israel kerana usaha-usaha terbarunya mewujudkan kawasan-kawasan penempatan untuk rakyatnya di kawasan Tebing Barat.

Timbalan Perdana Menteri, Datuk Musa Hitam, mensifatkan kemungkaran Israel itu sebagai melanggar aspirasi dan kehendak masyarakat antara bangsa yang selama ini mendesaknya berundur dari semua kawasan yang diceroahi sesudah tahun 1977.

Kedegilan Israel itu, tegasnya, juga menunjukkan tentangan terbukanya terhadap kehendak masyarakat antara bangsa dan keengganannya keluar dari kawasan-kawasan yang diceroahi perlu dikutuk sekeras-kerasnya.

Usaha

Datuk Musa menegaskan pendirian Malaysia ini ketika dikunjungi oleh wakil tetap Pertubuhan Pembebasan Palestin (PLO) ke Malaysia, Encik Ahmed Al-Farrar di pejabatnya di sini.

Jurucakap pejabat Timbalan Perdana Menteri memberitahu para pemberita selepas pertemuan 45 minit itu, bahawa Datuk Musa meny-

takan pendirian Malaysia yang memandang berat terhadap usaha-usaha terbaru Israel untuk menceroahi lagi kawasan Tebing Barat.

Timbalan Perdana Menteri berkata, penceroahan Israel itu bukan saja cabaran kepada masyarakat antara bangsa, tetapi juga kepada masyarakat Islam antara bangsa khususnya.

Sengsara

"Oleh itu Malaysia merayu mereka yang merasai kesengsaraan dan penderitaan rakyat Palestin serta mereka yang mengutuk keganasan seperti Israel di Lebanon itu supaya mengutuk tindakan itu."

"Pihak-pihak ini juga perlu mendedahkan, bahawa niat sebenar Israel adalah untuk merampas tanah kepunyaan rakyat Palestin demi kepentingan dan kegelojohannya sendiri," tegas Datuk Musa.

Wakil tetap PLO pula menyampaikan kepada Datuk Musa penghargaan pihak PLO terhadap sokongan rakyat dan kerajaan atas perjuangan mereka.

Encik Ahmed juga menyanjung tinggi peranan media massa negara ini dalam menyebarkan berita mengenai perjuangan PLO dan keganasan Israel terhadap masyarakat Palestin. — Bernama.

Bahan asal dari Arkib
Negara Malaysia